

777406

17740676

ACTA
Circa Submissionem,
Fidemq;
Sæ. Ræ. M^{ti}. Sveciæ
à Militia Qvartianorum
in Polonia præstitam.
Anno MDCLV.



Zbiór Bukowskiego N^o 1707.

*Litteræ, nomine Militiæ Quar-
tianorum S. R. Mti. Sveciæ Casimiræ d. 2.
Octob. ao. 1655. exhibitæ.*

Sacra ac Serenissima Regia Majestas,
Domine, Domine Clementissime.

IN tali Regnorum, imperiorumq; conversione,
quam vel florentissimis quibusq; ad occasum ver-
gentibus novas inducere formas tractus docent tem-
porum, eò res quoq; nostræ Reipublicæ devolutæ
sunt, ut alium Dominum quærere cogamur, non fide
nostra Regi debita in aliquo, juxta antiquum Gentis
nostræ morem, vacillante, sed Eo ipso nos, Regnumq;
hoc, deferente; mentemq; nostram eò convertimus,
ut nonnulla hoc in negotio, per Generosos D. D. STA-
NISLAUM WYZICKY, Dapiferum Novogrodensem, &
SAMUELEM LOIOWSKY, Vicerotmagistrum Generalis
Notarii campestris Regni cohortis, Legatos nostros,
exponenda S.^a R.^a M.^{ti} Vestræ statueremus: minime
dubitantes, quin, quemadmodum hæc proficiuntur
ab animo nostro prono, erga S.^a R.^a M.^{tem} Vestram,
cujus fama celebris gloriose orbem peragrat, benigne
sit eadem M.^{tas} V.^a R.^a quoq; acceptura, votisq; ac
desideriis nostris benigne responsura. Felices inte-
rim, victoriososq; rerum succensus S.^a R.^a M.^{ti} V.^a ap-
precantes ex animo, nos, humilimaq; obsequia nostra
gratiæ, favoriq; ejusdē diligentissime commendamus.

Sx. Rx. Mtis. Vx.

ad obsequia paratissimi

Alexander in Koniecpole, S. R. I. Princeps, supremus regni Polonia Vexillifer.	Johannes Sapiecha, exercitus regni Polon. Commisarius general.	Johan. Sobiesky, Pul- cownik wayska Kwar- cianowa.
Demetrius Georgius, Dux in Zbaraz & VViesnowiec.	Johan. Piaszezinsky, Gubernat. Novogrod.	Roricky Kristoph, Pulcownik.

Responsum & Declaratio *S. R. Majestatis.*

Sacra Regia Majestas probe consideravit, perpenditq; tam ea, quæ coram, quam quæ scripto proposuerunt militiæ Quartianorum Deputati, nec potest non nisi laudare & magnificere eam curam, quam eadem militia non sui duntaxat, verum etiam patriæ agit. Cumq; S. R. M^{tas}. tam pro innata sibi indole ad clementiam & omnia recta propensa, quam gloria gentis Polonæ tot præclare gestis celebri mota, semper sibi Poloniæ salutem & conservationem propositam habuerit: ita &, ubi universi Ordines tempestive se Regiæ Majestati stiterint, non est defutura S. R. M^{tas}., quin & Libertatis, Religionis, bonorum ecclesiasticorum, administrationis Justitiæ, jurium, privilegiorum & immunitatum, tam quæ personas, quam bona Nobilium eorum, quibus bona regalia concessa sunt, nec patriam suâ deseruerunt, militiæ Polonæ & disciplinæ militaris, Provinciarum, bello Polonis ablatarum, officiorum distribuendorum, gubernationis Poloniæ, eorumq; omnium, quæ articulis 1. 2. 3. 4. 5. 6. 7. 8. 9. 10. & 11. sunt expressa, condignam rationem habeat, ut collatis cum Ordinibus consiliis ea statui possint, quæ è re & usu tam S. R. M^{tas}. quam Poloniæ, omniumq; & ecclesiasticorum & secularium esse possunt: promittitq; S. R. M^{tas}., Se haud gravate operam suam in hunc finem commodaturam, modo Ordines præstituto tempore S. R. M^{tem}. convenient, & cum eadem in commune consulant.

Quod

Quod vero militiam Quartianorum sigillatim attinet, quandoquidem ad clementiam S. R. M^{tis}. tempestive confugit, eandemq; Regiam Majestatem per Deputatos suos de fide & obsequio suo certam reddidit, & imperio S. R. M^{tis}. se submitit; atq; illius militiæ virtus & fortitudo, continuis adversum Christiani nominis hostem excubiis, aliisq; strenue factis comprobata, maximo apud S. R. M^{tem}. in pretio sit, sequenti modo dictam militiam certam, securamq; facere, clementi in eandem affectui suo congruens judicavit. S. R. M^{tas}., ea spe freta, hanc benignitatem suam rite grateq; ab ea agnitam iri, prout etiam S. R. M^{tas}. id est actura, ut Quartianorum militia continua indies incrementa propensæ erga se voluntatis Regiæ sentiat, percipiatq;.

1. Sancte promittit S. R. M^{tas}. Nobilibus militiæ Quartianorum libertatem conscientiarum, & liberum Religionis exercitium in sua cuiq; religione factum, tectum & inviolatum fore, nec à quopiam labefactum iri.

2. Quemadmodū S. R. M^{ti}. in viros strenuos singulari propensione fertur; ita etiam Nobilibus Quartianis jura & privilegia sua à Majoribus parta, & ut à Regibus Poloniæ antiquitus fuere conservata, pariter in posterum integra futura spondet.

3. Eorum bona hæreditaria etiam penes possesores suos manebunt, nec stativis militum contra morem, legemq; patriæ, onerabuntur: si verò necessitas & ratio belli dictitaverit, ut militibus per eadem bona transeundum sit, tum disciplina inter eos exacte erit observanda.

4. Omnes, qui se tempestive protectioni, imperioq;

rioq; S. R. M^{ti}s. subdunt, sine discrimine est habitura S. R. M^{tas}., pariq; favore complexura, modò ut se virtute & fortiter factis, gloria & cognomine gentis dignos probent, ubi quisq; pro meritis suis, & in Regem, patriamq; studio, à S. R. M^{te} erit æstimandus, præferendusq;.

5. Quod administrationem justitiæ concernit, non abhorret S. R. M^{tas}. à recepto in Polonia more, rituq;: verùm cum Justitia ad omnes Ordines spectet, atq; de ejusdem recta administratione in Comitibus statui necesse sit, illuc ea omnia merito sunt remittenda. Interim & cum animam exercitus, castrorum disciplinam, stare & vigere expediat, Judicia campestria in vigore erunt, eaq; leges, quibus in obsequio, ideq; erga S. R. M^{tem}. contineri Quartianus miles possit. Quod nec difficile futurum arbitratur S. R. M^{tas}., si quisq; officio satisfecerit suo.

6. Nobiles Quartiani possidebunt ea, quæ habent, bona Regalia, juxta indulti Regii vim, sine ullo impedimento.

7. Septimus articulus ut æquitate sua nititur, ita Quartianorù causam haud secus ac parens sibi commendatam habebit S. R. M^{tas}., idq; efficiet proximis Comitibus, ut eisdem pro residuo stipendio & donativo satisfiat: in præsens autem promittit S. R. M^{tas}., se dictis Quartianis militibus, quamprimum nomina sua ediderint, vel annui stipendii quartam partem daturam, vel loco illius convenientia stativa assignaturam, habituramq; de cætero tam universæ militiæ, quam uniuscujusq; Præfectorum & Officialium, pro meritis, conditioneq; sua condignam rationem. Et cum intersit Poloniæ, eandem ita in solido collocari, ut statim, per-

petuamq; aliquam militiam habeat, cui inniti possit, ne illi ad ea mala, quæ eandem jam diu exercuerunt, sit deveniendum, ejus rei mentionem in Comitibus facere non est intermissura S. R. M^{tas}, confidens, se consilio opeq; militiæ Quartianorum, adeoq; bonorum civium omnium sublevatam iri.

8. Ut dictæ militiæ laudi esse debet, quod de securitate sua, & quo maxime modo eidem prospici possit, est sollicita; ita congruum & necessarium est, ut S. R. M^{tas}, ea, quæ par est, ratione assecuretur, cum obligatio debeat esse mutua, ad diffidentiam, quæ alias enasci posset, utrinq; prævertendam.

9. Promittit S. R. M^{tas}, se Nobiles militiæ Quartianorum in iis muneribus & officiis, quibus nunc præsumt, conservatos velle, atq; unumquemq; pro suis in Patriam meritis ad majora evecturam, cum id S. R. M^{ti} cordi sit, ut gloriam, nomenq; gentis in excelsum attollere possit. Quæ omnia & singula à S. R. M^{te} recte riteq; observata iri, verbo suo Regio spondet, promittitq; S. R. M^{tas}, idq; insuper & in gratiam militiæ Quartianorum largitur & concedit, ut omnes Poloniæ incolæ, Nobilesq;, qui conjunctim una cum eadem militia S. R. M^{ti} se subjiciunt, fidosq; & obsequentes se præstant, iisdem privilegiis & prærogativa gaudere possint.

Quod verò Nonum atq; Undecimum Articulum propositionis, Deputatorum militiæ Quartianorum, attinet; ita animum suum in proximis Comitibus declaratura est S. R. M^{tas}. ut exigentia rei svaserit, affectuiq; S. R. M^{tis}. ad salutem & conservationem incolarum Poloniæ propensissimo consentaneum est. In quorum fidem majorem hoc Responsum & declaratio-

tionem S. R. Mtas. propria manu subscripsit, & sigillo Regio muniri fecit. Dabantur Casimiræ ad Crakov. 16^{to}. Octobr. Anno 1655.

Carolus Gustavus.

Assecuratio

ex parte eorundem Deputatorum.

Nos infra scripti Militiæ Quartianorum Deputati, omnibus & singulis, has lecturis, notum, testatumq; facimus: Quandoquidem Serenissimo & Potentissimo Principi ac Domino, Dno. CAROLO GUSTAVO, &c. (integer titulus) Domino Nostro Clementissimo, pro innata sibi benignitate & optimo erga eandem militiam affectu suo, visum fuit, humillimis dictæ Militiæ desideriis, eo, qui in declaratione & assecuratione Regia descriptus est, modo, annuendi; idcirco, nomine ante memoratæ Militiæ Quartianorum, sincerè, sancteq; promittimus.

1. Quartianam Militiam Regem Poloniæ abdicaturam, omniq; cum eodem vel ejus adhærentibus & asseclis commercio renunciaturam.

2. Recipimus, spondemusq;, omnes & singulos illius Militiæ fidos & obsequentes S. R. Mti, ut vero Regi suo, se præstituros in omnibus, & contra omnes, siue S. R. Mtas. illorum opera conjunctim, siue separatim uti velit.

3. Promittimus, Præfectos & Officiales Militiæ Quartianorum literis Reversalibus S. R. Mti. se quæprimum

primum obstricturos, quo de eorum obsequio, fideq;
tuta esse possit S. R. M^{tes}.

4. Asseveramus, omnes urbes, arces, fortalitia
& munimenta, quæ Quartiano Milite sunt infesfa, cum
omnibus, quæ illuc pertinent, S. R. M^{tes}, quampri-
mum eidem Majestati visum fuerit, traditum iri.

In quorum fidem majorem hasce manu nostra
subscripsimus. Actum Casimiræ ad Cracoviam,

15 Octob. Anno 1655.

